

BOSNA I HERCEGOVINA
FEDERACIJA BOSNE I HERCEGOVINE
OPĆINA LUKAVAC
OPĆINSKI NAČELNIK
SLUŽBA ZA ZAJEDNIČKE POSLOVE
Broj: 10-05-1589/19
Lukavac, 10.04.2019. godine

Na osnovu člana 69. stav (2), tačka e) Zakona o javnim nabavkama („Sl. glasnik BiH“, broj: 39/14) u postupku javne nabavke usluga čišćenja zgrade općine Lukavac Pomoćnik općinskog načelnika za Službu za zajedničke poslove d o n o s i

ODLUKU
o poništenju postupka javne nabavke

Član 1.

Poništava se postupak javne nabavke usluga čišćenja zgrade općine Lukavac, iz razloga što je cijena prihvatljive ponude znatno veća od osiguranih sredstava za predmetnu nabavku.

Član 2.

Ova odluka objavit će se na internet stranici ugovornog organa (www.lukavac.ba), u skladu sa članom 70.stav 6. Zakona o javnim nabavkama.

Član 3.

Ova odluka stupa na snagu danom donošenja i dostavlja se svim ponuđačima koji su učestovali u postupku javne nabavke, u skladu sa članom 71. stav (2) Zakona o javnim nabavkama.

Član 4.

Ovom odlukom stavlja se van snage odluka, broj: 10-05-1589/19 od 02.04.2019. godine.

O b r a z l o Ź e n j e

Postupak javne nabavke pokrenut je Odlukom o pokretanju postupka javne nabavke broj: 10-02-1-1588/19 od 14.02.2019.godine. Javna nabavka je sprovedena postupkom konkurentskog zahtjeva za dostavu ponuda. Procjenjena vrijednost javne nabavke bez PDV-a je 25.641,00 KM.

Obavještenje o nabavci broj: 719-7-2-2-3-23/19 objavljeno je na Portalu javnih nabavki dana 14.02.2019. godine.

Komisija za provođenje postupka nabavke imenovana Rješenjem broj: 02-05-1653/19 od 15.02.2019. godine dostavila je Pomoćniku općinskog načelnika Zapisnik o pregledu i ocjeni ponuda broj: 10-05-1589/19 od 07.03.2019. godine, Zapisnik o pregledu i ocjeni ponuda broj: 10-05-1589/19 od 11.03.2019. godine, Preporuku o izboru najpovoljnijeg ponuđača broj:10-05-1589/19 od 11.03.2019. godine i Izvještaj o radu broj: 10-05-1589/19 od 13.03.2019.godine.

U postupku po Izvještaju o radu je utvrđeno da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljene tri ponude;
- da su blagovremeno primljene tri ponude;
- da nije bilo neblagovremeno primljenih ponuda;
- da su ponude svih ponuđača kvalifikovane i prihvatljive, naime dostavljeni su svi traženi dokazi propisani tenderskom dokumentacijom, na propisan način.

U postupku donošenja ove Odluke, posebno su cijanjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u tendersku dokumentaciju utvrđeno je da procijenjena vrijednost nabavke bez uključenog PDV-a iznosi 25.641,00 KM i da je kriterij za dodjelu ugovora najniža cijena.

Izabrani ponuđač ATALIAN GLOBAL SERVICES BH d.o.o. Sarajevo dostavio je prihvatljivu ponudu sa konačnom cijenom nakon e-aukcije u iznosu od 22.902,00 KM bez PDV-a.

Isti ponuđač ATALIAN GLOBAL SERVICES BH d.o.o. Sarajevo je propustio u roku od 5 (pet) dana od dana prijema Odluke o izboru dostaviti originale ili ovjerene kopije dokaza o ispunjavanju uslova iz člana 45. stav (2) tačka d) Zakona o javnim nabavkama BiH, navedene u tačkama 12.2. i 13.2.5 tenderske dokumentacije broj: 10-05-1589/19, te je ugovor dodijeljen drugorangiranom ponuđaču "ED-DE-SHINE" d.o.o. Lukavac.

Ponuđač "ED-DE-SHINE" d.o.o. Lukavac je propustio u roku od 5 (pet) dana od dana prijema Poziva za dostavu broj: 10-05-1589/19 od 02.04.2019. godine dostaviti originale ili ovjerene kopije dokaza o ispunjavanju uslova iz člana 45.stav (2) tačka d) Zakona o javnim nabavkama BiH, navedene u tačkama 12.2. i 13.2.5 tenderske dokumentacije broj: 10-05-1589/19.

Komisija je utvrdila da ponuđena cijena trećerangiranog ponuđača „EMMS“ d.o.o. Jelah-Tešanj premašuje procijenjenu vrijednost nabavke. S tim u vezi, Komisije se dana 09.04.2019. godine obratila Službi aktom broj: 10-05-1589/19, kojim traži saglasnost za povećanje Budžeta. Nadležna Služba je dostavila Akt komisiji u kojem stoji da uvidom u Budžet općine Lukavac za 2019. godinu utvrdila da nisu u mogućnosti obezbijediti iznos neophodan za dodjelu ugovora.

Uzimajući u obzir gore navedeno, a primjenom člana 69. stav (2), tačka e) Zakona o javnim nabavkama („Sl. glasnik BiH“, broj: 39/14), riješeno je kao u Dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine-Filijala Mostar, putem ugovornog organa u pisanoj formi direktno ili preporučeno poštanskom pošiljkom na adresu Općina Lukavac, Trg Slobode 1, 75300 Lukavac. Žalba se podnosi u najmanje tri primjerka.



PO OVLAŠTENJU OPĆINSKOG NAČELNIKA
POMOĆNIK OPĆINSKOG NAČELNIKA
(ovlaštenje broj: 02-05-1055/19 od 29.01.2019.)
Jasminka Dugonjić, dipl.pravnik

Dostaviti:

1. ATALIAN GLOBAL SERVICES BH d.o.o. Sarajevo
2. "ED-DE-SHINE" d.o.o. Lukavac
3. EMMS d.o.o Jelah-Tešanj i
4. Arhivi.-